

ادبیات عمر و بیخبر عری

هفته‌لق سیاسی ، ادبی و علمی غزته در .

جلد : ۱

سنه : ۱ ۳ ربیع الاخر ۱۳۳۵ جمعه ایرتسی ۱۴ کانون ثانی ۱۳۳۲ نومرو ۱۳

تاریخده رومانی

افلاق . — طونه‌نك شمانده، قدیم (داجیا) Dacia خطه‌سنده تقریباً عینی عرندن وعین
لسانی تکلم ایدر قبائل موجود اولوب بونلر شو بش ایالتی کندیلرینه وطن اتخاذا ایتشلردر: ۱- افلاق
(والاکیا) ؛ ۲- بغدادن ویا مولداوا (مولداویا) ؛ ۳- اردل (ترانیلوانیا) ؛ ۴- بوقووینا ؛
۵- بسارابیا (بوجاق) . برلین معاهده‌سندن صکره (دوبریجه) رومانیایه التحاق ایتدیکندن
(رومن) قومی اورایه‌ده کیرمشدر . بو آلتی قطعه‌دن ماعدا رومونلر بالقان شبه جزیره‌نك هان
هریرنده ، لکن کوچك بر اقلیت اولق اوزره ، بولنورلر . شرقده ، صربلردن ، یونانلیردن ،
بولغارلردن دها غلبه‌لک اولان (رومون) ملتی بش یچق شمدیکی رومانیاده ، ایکیسی روسیه‌یه
عائد بسارابیاده ، اوچی مجارستانه عائد اردلده ، برربع ملیونی بوقوویناده اولق اوزره تقریباً اون
برملیون فرددن عبارتدر . روم ایلیده ساکن رومون = قوچوولاح = چینچار اهاالینك عددینی
اللهدن بشقه بیلن یوقدره . بو خالق دین و تربیه اعتباریله بیزانتین اولوب رومون ، رومدن ده روم دیمکدر . هر
قطعه‌نك تاریخی آیریدر . یالکز افلاق ایله بغدادنك مقدراتی ۱۸۶۰ دن اعتباراً برلشیر . بوملت من القدیم
آزیش بر حالده محافظه جنسیت ایده بیلمشدر . افلاق ، [والاکیا] کله‌سندن کلیر . اولاجه
Zara Roumaneska [روما مملکتی] دیمک ایمش . افلاق قدیم داجیانك قسم جنوبی‌سنده .
کائندر . بواسکی قطعه شمدیکی رومانیادن ماعدا عصر حاضرده کی مجارستانك تقریباً نصفی احتوا ایدردی .
ایمپراطور (آوگوستوس) عهدنده ایلاک دفعه اولق اوزره روما لشکری داجلره قارشی
کلدی . او حوالیده مغلوب اولان رومالیلر ایکنجی قرن میلادینك ایلاک سنه‌لرینه قدر اهاالی
محلیه‌یه فدییه ویریرلردی . ایمپراطور (ترایان) بو مکلفیتدن قورتولق ایسته‌دی . اورالرده تهیات
مهمه‌ده بولوندی . اردولر غالب کله‌رک مملکتی یغما ایتدیلر . الکا خالی قالدیغندن روما له ژئونلری
اوراده یرلشدی . بواردولرک اک سفلی ورذیل مخلوقاتدن انتخاب ایدلدیکی تاریخ شناسانجه مرویدر .
یدنجی عصرده روسیه‌دن کان بولغار واسلاولر اوراده راست کلدکاری رومالی زراعه (ولاح)
Vlah نامنی ویردکاری روایت اولنیور . (بونك عکسی ده ادعا اولونمشدر) . ۲۷۴ سنه‌سنه
قدر روما ولاتی افلاقیده حکومت ایتشلردر . (غوط) ، (هون) ، (گه‌پید) ، (لومبارد) ،
(آوار) اقوامی بو مملکتی لایقیله یغما وتاراج ایله محو ایده‌جک درجه‌یه کتیرمشلردر .
بونلردن قاجان اولاحلر (کوچك افلاق) دنیان طونه ایله (آلوته) Aluta آرده‌سنده کی

حلی درختان ملفوف الاغصانند کون کورمن محله سی کی دائم سایه دار اولان مسافه سی کثیر المقدار ایکی باغچه وخصوصاً قومادیه تعبیر اولنور .

- دوام ایده جکدر -



تاریخ حرب



[۵ - ۱۱ کانون ثانی ۱۳۳۲]

عموم جبهه لرده کی سکون بردوام . مختلف جبهه لرده مخاصم کتله لر یکدیگرینک حرکاتی ترصد ایله اکتفا ایدیورلر . جبهه آرقلرلرده ایسه خارق العاده بر فعالیتله استحضارات اجرا ایدلمکده اولدیغنه شبهه یوق . کرب اتفاق صریح و کرب اشتلاف ارکان حربیه لر ، آرتق صوک اوله جنی حس ایدیلن ایله بهار محارباتنده امان و برمن برضربه ایندیرمک ایچون کمال جدیتله چالیشیورلر . کیم دها اول داوراناجق ؟ ایسته بو کونک مسئله سی بودر . هانکی طرف استحضاراتی دها اول کمال ایله ، اومولاز بریردن برضربه ایندیره بیلیرسه او طرف تقدیمی ونهائی غلبه یولنی قازانمش اوله جق . فقط مستریخ اوله بیلیرز . اتفاق صریح ارکان حربیه سی « تشبث ابتدائی » بی هیچ بر زمان دشمن انه براقادی . او خصمک جان آلاجق نقطه سنی کشفده غایت ماهر در . ظنمزجه ، ایکی طرف ایرکن حرکت ایچون اوقدر غیرت کوستره جکلردرکه ، دها بهار کله دن حتی بلکه مارتدن اول حربک بو مزاقلی ونهائیت درجه ده خونین صوک صحنه سی باشلایه جکدر .

بو هفته غرب جبهه حرینده ، اوچ درت هفته در کورولدیکی اوزره ، ینه اهمیتسز موضعی مصادمه لردن باشقه شی اولمادی .

ایتالیان جبهه سنده ، (قارست) یایلاسنده کی طوطی فعالیتی استثنا ایدیلیرسه ، معند برسکون بردوامدر . ایتالیانلر هیچ بر تشبثده بولونمایورلر . بالعکس آوستریالیر آراصیرا کشف حرکاتی قیلندن تشبثله کیریشیورلر .

ما کدونیا جبهه سنده استروما ، سیروز ، چرنه ، کولر طرفلرنده معتاد اولان متفرق و جزئی فعالیت حربیه دن باشقه برشی یوقدر .

روس جبهه سنده ینه موضعی تشبث کورولیور . غالباً روسلر ، ریغادن طونه آغزلربنه قدر امتداد ایدن جبهه لرینک بر طرفندن آلمانلرک یکی بر تعرضی قورقوسیه یحضور اولدقلرندن صیق صیق کشف تعرضلرده بولونیورلر فقط کشف بر جلیک پرده کی اوکلرینی قاپاتان آلمان جبهه سی آرقله سنده هینده نبورغک نه لر حاضر لامقده اولدیغنی ظن ایتیمیز که کشفه موفق اولسونلر .

رومانیا جبهه سی ، فعالیت حربیه نک همان تماماً دورمش دنیله بیله جک بر حالده اولماسنه رغماً ، برنجی درجه ده کی اهمیتنی الاکن محافظه ایدیور . کچن هفته ابرائیلک شمالنده و طونه نک جنوبنده کاش (واده نی) و (میخاله آ) موقعلرینک تورکلرک طونه قطعاتی طرفندن ضبطندن صوکره ، (سهرت) نه ری جنوبنده یالکز (نانه شتی) سر کوپری موقعنک آلمانلر طرفندن ضبطندن

باشقه حادثه اولامشدر . روسلرک فوق العاده تحکیم ایتش اولدقلری بو کوپری باشی موقعی ایله جوارنده کی استناد نقطه لری شدتلی برعجمله آلتش وروسلر (سهرت) نهرینک اوتیه طرفه ، آلمان - اوستریا مقاصواری آتشرینک تخریبانی آلتنده رجعت ایتشلردر . شوخالده سهرت نهری جنوبنده بر مهم موقع دها روسلردن تطهیر ایدلش اولیور . روسلرک النده آنجق (فونده نی) سرکوپری موقعی قالمشدر . آرقلرلنده (سهرت) نهری بولنان روسلر مقابل تعرضه اصلا صالح بولونمایان بو (فونده نی) جوارنده کی بطاقلق دار اراضی یه یاپیشمقده درلر . دشمنک بوراده کی موضعنی ، تازه قوای امدادیه جلب ایتسه ده ، توسیع و اصلاحه موفق اولماسی ممکن دکلدرد .

(نانه شتی) نک ضبطی پک مهمدر . تقریباً ایکی هفته در محافظه ایتمکده اولدینی سکون آرقلرلنده حاضر لاندیغنه شبهه ایتهدیکمز ما کنزن غروپی وقتی کلنجه حرکتیه باشلیه جق و (نانه شتی) کوپری موقعندن استفاده ایده جکدر . آرتق (فونده نی) موقعی ده آتشمز آلتنده در . (سهرت) خطندن یعنی (ابرائیل - فونده نی - قوشانی) جبهه سندن ایلریله یه جک مؤثر بر تعرض ایچون غایت مهم بر اس الحریکه تشکیل ایتمکده اولان (نانه شتی) روسلرک الندن چیقمشدر . بز اول و آخر ، (سهرت) نهری اوزرلنده اتفاق مربع حرکات تعرضیه سنک توقف ایتیه جکی مطالعه سنده بولونیورزه شرق جبهه سی ایچون پک بویوک کونلر تقرب ایدیور ، ظاهری سکونه آلدانمایلم .

یوقاریده مولداویانک غرب قسمنده کی داغلرده روسلر ، توقف ایتش اولان آلمان - اوستریا قواسنه تعرضلرله ، (اویتون) ، (سوسیتا) وادیلرلنده و داها یوقاریده آلتون (بیستریچا) وادیسنده اولری کری آتغه اوغراشیورلر . یسود غیرتلی ! بورالرده شدت شتا فوق العاده اولقله برابر روسلر متفقریمزی طوتدقلری یرلردن آیرامایورلر . روسلرک هجوملرلنده کچن یاز ظرفنده کی شدت و دوام کورلمه مکده در .

بو هفته نک رومن جبهه سنده قید ایتدیکی اک مهم وقایعدن بری ده ، دو بریجه ده بولغار قوتلرینک طونه منصبی تشکیل ایدن باشلیجه اوچ قولدن اک جنوبنده کیسینی یعنی (خضر الیاس) قانالی طولچه جوارندن مرور ایله بوراده روسلرک هجوملرینه رغماً طوتش اولمالریدر . بو بطاقلق اراضیده شیمدی یه قدر حرکات اولامایوردی . صوک صوغو قلیر بورالری دو کدیرمش ارله جغندن بولغارلر (سن ژورژ) قانالی ضبط ایتشلردر . طونه نک و طونه بی دیکزه وصل ایدن قاناللرک اهمیتلرینی وقتیه بو صحیفه لرده تفصیل ایتش ایدک . بولغارلر (سنه) و (کیلیا) قاناللرندن روسلری طرد ایدرلرله طونه اوزرلنده اتفاق مربع حاکمیتی منبعدن منصبه قدر تأسیس ایده ر . دها شیمدین کلن تاغرافنامه لر ، (قالا ص) شهری غرب استحکاماتنک قارشى ساحلدن طوب آتشرملرله خراب اولدیغنی بیلایریور . عجیبا کنزن سهرتی و طونه بی بورادن می مرور ایده جک بونی وقایع کویستر .

عمانلی جبهه لرلنده مهم وقایع یوقدر . قافقاس جبهه سنده کشف تعرضی اجرا ایدلمکده در . ایران جبهه سنده همدانک شرق و جنوب شرقیسنده (دولت آباد) ده روسلر مجبور رجعت ایدلشلردر . دجله جبهه سنده (کوة الاماره) شرقنده انکلیرلرک بوتون غیرتلی عقیم قالمقده در . باشقه طرفلرده اهمیتلی برشی یوقدر .